




LEKTRIK LONG OL FAMA
lukim pes 7



PAS I KAM LONG EDITA

GIVIM LAIP LONG GOD

Dia Edita - Mi i gat liklik tok long olgeta papa na mama. Yupela ol papa na mama yupela harim gut: Sapos pikinini bilong yutupela i stap long seminari, orait, yutupela i mas tingting gut long wanem wok em i laik mekim. Sapos wok bilong God orait, larim em i go.

Mi laik tok strong long dispela pasin kranki sampela papa na mama i save mekim. Maski long baim meri bilong pikinini bilong yutupela. Dispela pasin em i no stret tru. Plis mi tokim olgeta papa na mama long no ken mekim gen dispela pasin.

Na long ol seminari mi tok yumi no ken harim tok ol papa na mama i mekim. Mipela laik kamap pater, orait, mipela i mas tok maski long samting. Yumi ken tokim tupela papa na mama bilong yumi olsem laip bilong mi, em mi yet i mas givim wok long en, na laip bilong mi em i no laip bilong yu.

Sapos mi laik givim laip bilong mi i go long God na wok long God, orait, em i samting bilong mi. Em tasol liklik wari bilong mi.

Ferdy Kawai,
Kimbe/W.N.B.P.

MASKI RABISIM PASIN TUMBUNA

Dia Edita - Mi laik bekim pas bilong brata ya em Mista Newman W. Epano long Wantok Niuspepa namba 136.

Yes brata Newman, mi amamas long olgeta tok yu bin mekim long ol lain susa long ol i putim longpela trausis na siot bilong ol man. Yes, em i laik bilong wan wan. Tasol mi laikim yu na ol brata na ol susa yumi mas lukluk pastaim long wanpela poin ol i kolim PASIN TUMBUNA.

Yes long tingting bilong mi em i no stret long yu tok pasin tumbuna maski. Mi laikim ol pasin bilong ol waitman tasol.

Mi ting em i no gutpela long mipela ol pipel bilong PNG long lusim dispela pasin tumbuna, laka brata

Newman? Mi ting olsem, mipela i mas holim sampela ol pasin tumbuna we ol i gutpela long en.

Na tu long pasin bilong ol waitman i no long tumbuna tasol? Nogat. Mipela i mas skelim na lusim ol nogut na kisim ol gutpela tasol laka brata Newman? Bikos mipela i mas holim tupela wantaim, pasin bilong tumbuna na bilong ol pren ya em ol waitman tu, laka?

Yes bilong mekim gutpela sindaun bilong mipela long bihaintaim, yu na mi na olgeta, mipela i marit laka?

Na tu independens i no min olsem bai mipela i lusim olgeta pasin tumbuna pinis. Nogat.

Yes brata Newman. Em tasol mi gat long tok klia i go long yu long dispela de.
David Kawasson,
Mount Hagen.

SAVE GUT, BIHAIN TOK BILAS

Dia Edita - Mi laik bekim pas bilong Adiokus. Mi painim olsem kandere yu gat liklik tok kros long pe bilong ol Pablik Seven i bin i go antap bihainim krai bilong ol.

Poro mi laik askim yu, yu save long husat tru em ol i Pablik Seven? Yu save tu long ol lo na ol polisi bilong ol? Mi ting ol i kisim dispela nem bikos ol i holim ol kain kain wok bilong helpim olgeta kain kain man bilong dispela kantri.

Ol i go, i kam nabaut insait long kantri bilong helpim kantri. Ol i krai long pe bikos ol yet i pilim ol pen na hevi bilong ol.

Kandere mi no save wanem kain wok yu yet yu holim. Yu mekim tok kros olsem bikos yu no wanpela pablik seven. Ating yu stuakipa long wanpela stua bilong wanpela Saina o mi no save. Mi yet mi no wanpela pablik seven tu. Mi holim wok bilong skelim ol bek kopra bilong ol viles man tasol, long hap bilong Melkoi.

Orait kandere, bilong wanem yumi ol man ausait i laik tromoi maus bilong yumi

i go long ol tarangu pablik seven? Save bilong ol bikman yet i givim ol, laka?

Maski yumi smel bek o wasim klos bilong ol Saina wantaim K8.00 long wanpela fotnait. Yumi ken kaikaim tit na pasim ai tasol. Yumi no kensubim nus bilong yumi long banis bilong narapela. Nogut ol i tok, bilong wanem yu kapsaitim sup pis bilong yu na bihain yu krai bihain gen?"

Em tasol liklik tok helpim bilong mi i go long yumi ol lain ausait.

Barns M. Kela,
Cape Damier/E.N.B



MAN PASIM SPES BILONG MERI

Dia Edita - Watpo tru ol i no save kisim ol meri long wok insait long ol bikpela haus kaikai long PNG.

Olsem long Panguna Bougainville kopa maining, We-wak Moem Bareks, Lae Igam Bareks, Moresby Mari Bareks Taurama Bareks, na Gordon Plis Bareks long Moresby.

Mi save lukim ol man tasol i go pulap long ol dispela kain wok. Ol man i pasim spes bilong ol meri long dispela kain wok olsem.

Dispela kain wok inap long ol meri i ken wok long en. Man i pasim spes na tarangu ol yangpela meri i save i stap nating long ples. Planti ol yangpela meri ol i bin go aut long standet 6, fom 1, fom 2, fom 3, na ol i no gat wok.

Ol i mas kisim ol meri long wok long olgeta haus kaikai long dispela kantri.

Ol wantok em tasol liklik hap tok bilong mi i pinis.

Francis Aluon,
Arawa/Bougainville.

OL DROPAUT NA RASKOL TOKAUT

Dia Edita - Mipela ol skul dropout i laik tokautim ol tingting bilong mipela i go long gavman. Mipela planti dropout tumas long dispela kantri bilong yumi PNG. Yumi i gat wankain tingting.

Long wanem, mipela sampela i bin i stap long standet 6 tasol, sampela ol i arapela kain dropout tu ya.

Sampela ol i no gat mani long go long ol haiskul na ol i tingting olsem ol i go long taun, em bai mipela i tingting olsem bai mipela i inap long painim wok. Tasol ol i tok, ol i no go long haiskul.

Tasol ol i mas wok. Ol praivet o bisnis kampani tu wankain. Olsem na ol i save belhat na mekim trabel. Na tu taim ol i stap long skul ol i bunpen na spenim mani nating long baim skul fi bilong mipela. Tasol ol i mekim mipela i pipia bilong ol. OK, mipela i mas wokim sampela samting long stretim wari bilong mipela.

Mipela bai i no inap tru long pret long go kalabus. Olsem na gavman bai i mekim wanem? Nogut yumi planti ol lain dropout i no gat wok. Na bai mipela i mekim moa ol trabel long bihaintaim.

Long wanem, ol man i no bin i go long skul, ol i no save long sampela save bilong skul. Ol i stap long pasin bilong yumi long bipo. Olsem na ol i no save mekim trabel tumas.

Olsem na gavman bai i mas givim sampela help long ol taun: na long ol i mas kirapimples bilong yumi stret. Na no ken ting long i kam long taun. Na em tasol wari bilong mipela ol dropout i makim ol dropout na ol ras bilong kantri bilong yumi.

Mi Wanpela Raskal,
Lae.

Raitim pas na salim i go

long: WANTOK

BOX 396

WEWAK

OLGETA I MAS KISIM WANMAK

Dia Edita - Mi laik tokaut i go long ol memba bilong palamen i no save helpim planti long skul bilong ol misin.

I lukluk olsem insait long PNG ol kain kain skul bilong skulim ol pipel bilong dispela kantri i planti tru bilong ol misin. Ol skul bilong gavman i no planti. I nogut gavman i putim bikpela mani long liklik skul bilong em na i givim liklik mani long bikpela skul bilong misin.

Mi ting i no stret. Bilong wanem, ol dispela skul bilong misin em skul bilong PNG na planti ol pipel bilong dispela kantri i bin i go long dispela skul. Em i no skul bilong narapela kantri na gavman i putim liklik mani i go long skul bilong misin long ranim.

I nogut ol skul bilong gavman i yusim planti samting long han bilong gavman na ol skul bilong misin i yusim liklik samting bilong gavman bilong wanem, gavman bilong PNG, em bilong olgeta pipel insait long dispela kantri. Ol i mas kisim mani long han bilong gavman wankain o wanmak tasol.

Nau mi laik ol memba bilong palamen i mas tingting long dispela toktok. I nogut yupela i sindaun nating long palamen smok na dring tasol. Traim na wokim samting i gutpela long olgeta man bilong dispela kantri.

Gabriel Opur Kolip,
Port Moresby.

na, na waitman i save long tok pisin, tok motu, kuanua tok ples, yabin o kote.

Skelim gut na lukim wanem tok i win long namba. Mi i bilip em tok pisin. Na mi laik tok hurei long tok pisin na tok pisin long olgeta taim.

Mi gat sampela tingting bilong strongim pas bilong mi.

1. Bilong senisim pisin yumi mas skulim planti tausent man long nupela tok ples.
2. Long skulim nupela tok pisin bai i kosim gavman bilong yumiplanti mani moa.
3. Dispela samting bai i sloim daun planti progres, o wok go het na bai i min olsem nupela stat gen.
4. PNG imalti resel kantri. Tok pisin i hap hap bilong ol narapela tok ples na i gut yumi kolim maliti resel tok ples.
5. Planti samting yumi i gat nau yumi bin kisim o adaptim long ol planti ples na pisin tu em yumi bin adaptim na adaptim gut tru.
6. Planti kain buk bilong planti kain lotu, lo bilong gavman, em ol i raitim long tok pisin.

Las tok bilong mi: Sapos Josephine Abaijah na ol pren bilong em i ting ol i gat mani bilong senisim planti samting olsem wanpela samting em i ken traimekim. Wanpela bilong ol dispela tok ples i kamap seken o namba tu long pisin. Tasol tok pisin i mas i stap namba wan ples yet.

Rita Anggua,
Bogia/Madang.

TOK PISIN I MAS NAMBA WAN

Dia Edita - Mi i wanpela bilong ol planti longlong man na longlong meri, i no gat save bilong toktok long redio o mipela i ken rait i go long pres o niuspepa. Sampela bilong mipela i save sem o pret long mekim olsem.

Nau tasol mi harim sampe-la toktok long redio na mi laik traimekim i go long Mis Josephine Abaijah wantaim sampela arapela man na meri husat i save kolim ol yet long saveman na meri.

Josephine Abaijah i mas traimekim tru na painimaut gut stret hamas manmeri na pikinini blak, hap blak, sai-

OL KATEKIS I MAS KISIM GUTPELA SINDAUN TU

Dia Edita - Yes, planti taim mi save lukim ol tarangu katekis ol i save wok hat tru. Tasol, ol i save sindaun rabis long kaikai, mani, bilas, na planti ol arapela samting. Long wanem ol prais bilong samting na kaikai i go antap tumas.

Ol i no gat inap mani bikos ol i no save kisim inap mani long wok bilong ol. Olsem na ol i sindaun rabis. Na lukluk bilong mi long ol i no stret tumas.

Mi bin harim sampela pater i tok olsem, ol katekis

TU MINIT TINGTING

KISIM NA GIVIM TU

"Sapos han bilong diwai wain em i no pas long diwai, orait, em i no inap karim kaikai..... Mi, mi diwai wain tru..... Olgeta han bilong mi i no save karim kaikai, em Papa i save tekewe." (Jon 15, 4.1.)

Olgeta diwai i olsem diwai wain; olgeta diwai i gat han bilong en. Diwai yet i groim ol han na em i stiaim ol i go nabaut long olgeta hap na sait bilong tri, we san i save lait. Yes, diwai yet i holim ol han bilong em, na tu em i givim kaikai long ol. Sapos yu brukim o katim han diwai, em i wankain olsem sapos yu brukim o katim han bilong yu yet. Em bai i dai bikos em i no gat blut o kaikai bilong en.

Olsem tasol Jisas i tok long Gutnius bilong Jon em yumi lukim antap: Yumi mas stap na pas wantaim em. Sapos nogat, yumi pinistaim.

Tasol lukaut, em i no min yumi mas stap tasol, stap nating tasol. Nogat.

Yumi olsem han diwai. Ol i no hangamap olsem bilas nating tasol. Nogat. Ol han diwai i holim ol lip bilong ol long lait bilong san, bai ol i ken wokim kaikai na salim i go bek long diwai yet. Ol han i wok. Sapos han diwai i no inap putim lip bilong em long san, em i no inap karim kaikai, em i no inap bekim kaikai bilong diwai. I no longtaim bai diwai i les na i katim kaikai bilong han, na wantu dispela han i hangre, i drai, i dai.

Tok bilong Jisas i wankain. Em hia: Olgeta han bilong mi i no save karim kaikai, em Papa i save tekewe."

Lo bilong Jisas i wankain olsem lo bilong diwai. Yumi hangamap long God; God i holim yumi, i givim kaikai long yumi. Sapos nau yumi no bkeim liklik long God, long gutpasin yumi save mekim, lukaut. Nogut em tu i les olsem diwai na i larim yumi i drai na i dai na i kamap paiawut bilong Seten.

i no mas singaut long kisim mani. Bikos yupela i no wok long bodi. Yupela i wok tasol long laip bilong sol. Man, mi harim dispela tok na het bilong mi i pen tru. Tasol em i stret ol katekis i wok long laip bilong sol.

Tasol olsem wanem long laip bilong bodi bilong ol? Ol i no ken kisim gutpela kaikai? Ol i no ken pasim gutpela bilas? Ol i no ken baim kaunsil takis na skul fi bilong ol pikinini? Wanem samting i mekim ol kain kain wok i ran gut? Olsem didiman, wok bilong skul, wok bilong kaunsil, PWD, ol wok bilong sios? Mani tasol. Sapos i no gat mani wanpela wok i no inap long go het gut.

I olsem tasol long bodi bilong yumi tu. Sapos man i no gat mani, em bai i ba-

garap. Em wantaim famili olgeta bai i painim taim nogut. Bai sindaun bilong ol i no gutpela moa.

Olsem plis mi laikim bai ol misinari i mas lukluk gut long dispela wari bilong mi, na mekim sampela samting bilong helpim ol katekis. Ol i no ken givim K6, K5, K7, tasol long wanpela mun o fotnait. Em i no stret.

Mi laikim bai ol misinari i mas apim liklik moa i go antap long K25 o K20 samting em i orait.



Bikos planti taim mi bin lukim sindaun bilong ol katekis i no gutpela tumas, olsem na mi autim wari bilong mi i go long Wantok bai olgeta man i ken ritim. Em tasol. Tenkyu edita.

B.S. Barnabas,
Maprik/E.S.P.

TEACHERS' CORNER

PNG TEA INDUSTRY NEAR MT. HAGEN

For Social Studies Broadcast, 7 June, for Grade IV.



13. Winners must offer the Literature Bureau first publication rights of their stories in 'Papua New Guinea Writing'.
14. Section entered in competition must be written with name and address.

Send entries to — The Literature Bureau
Office of Information
P.O. Box 2312
KONEDOBU.

THREE WRITING COMPETITIONS FOR CASH PRIZES

All beginning May 10 and closing August 13

NATIONAL SHORT STORY COMPETITION:

- Section I *Stories from Tertiary Students and those who are not students but who have attained the Educational Standard of Form IV.*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |
- Section II *Stories by High School Students*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |
- Section III *Stories by Primary Students*
- | | | |
|--------------|---|--------|
| FIRST PRIZE | - | K15.00 |
| SECOND PRIZE | - | K10.00 |
| THIRD PRIZE | - | K 5.00 |
- Section IV *Open Section (Stories in Pidgin & Motu)*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |

SEVENTH ANNUAL PLAY COMPETITION:

- Section I *Short Plays or One Act Play*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |
- Section II *Longer Plays of two or more Acts*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |
- Section III *Plays in Pidgin or Motu*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |


SEVENTH ANNUAL POETRY COMPETITION:

- Section I *Tertiary Students and Adults*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |
- Section II *Poems by High School Students*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| third | | |
| THIRD PRIZE | - | K15.00 |
- Section III *Poems by Primary Students*
- | | | |
|--------------|---|--------|
| FIRST PRIZE | - | K15.00 |
| SECOND PRIZE | - | K10.00 |
| THIRD PRIZE | - | K 5.00 |
- Section IV *Open Section (Poems in Pidgin or Motu)*
- | | | |
|--------------|---|--------|
| FIRST PRIZE | - | K50.00 |
| SECOND PRIZE | - | K25.00 |
| THIRD PRIZE | - | K15.00 |

RULES:

1. Manuscripts must be typewritten or neatly hand-printed on one side of the paper only.
2. Titles of story(ies) MUST APPEAR on top of each page.
3. Writer's name MUST NOT appear on the entry.
4. Writer's name and address MUST appear on a separate sheet attached to entry.
5. Stories may be on any subject.
6. Writer may submit any number of entries.
7. Entries should be in PIDGIN or ENGLISH only.
8. Stories must be writer's OWN original work, must not have been submitted in any previous competitions conducted by the Literature Bureau, and must be previously unpublished.
9. School entries must be strictly the work of the students and must not have been produced as a classroom effort.
10. School teachers entering should indicate on entries that they are TEACHERS and NOT students.
11. A stamped, self-addressed envelope should accompany the entry if the writer wishes to receive his entry back after the competition is judged.
12. The judges' decision will be final and no correspondence entered into.

Olgeta sios wok wantaim



* Hetman bilong Yunaitet Sios: Bisop Lesli Boseto (long lephan) i sanap toktok wantaim Pasto Joshua Daimoi (namel) em siaman bilong miting, wantaim Pasto Gottfried Osei-Mensah bilong Afrika, em wanpela het spika.

Inap 9-pela de 170 memba bilong olkain sios long PNG i bin kibung long Lae bilong paitim toktok long olgeta gutpela kain pasin bilong autim tok bilong God i go long olpipel bilong dispela kantri.

I gat Engliken, Katolik, Luteran, Yunaitet Sios, Ewangelikal Alaians, na Salvesen Ami... Na klostu olgeta ol i lokal manmeri tasol. I tru i gat 4-pela meri tasol...

Pasto Joshua Daimoi em i siaman bilong miting na bikpela spika em Pasto Gottfried Osei-Mensah bilong Afrika.

Wanpela bikpela wari i stap namel long ol sios em i dispela bilong go stilim na grisim ol pipel bilong wanpela lotu bai ol i kam long lain bilong arapela.

* Bikos planti deliget i save tok pisin tasol, ol i tanim tok inglis long tok pisin na em i bin kamap insait long dispela kain lektrik yau, i olsem liklik lautspika.

Ol i bin givim wanpela eksampel bilong wanpela ples long Hailans we wanpela lain lotu i bin stilim ol memba bilong narapela i stap long dispela ples yet na i bin baptaisim ol gen. Tude memba bilong dispela tupela lotu i stap long dispela miting olsem brata na i pre na i toktok wantaim. Em i soim nupela tingting i bin kamap namel long kain kain lotu insait long PNG tude. Na planti man i amamas long dispela samting; i olsem samting i kamap long han bilong God stret.

Wanpela as tingting bilong miting em i dispela: ol sios long PNG i mas stat nau long salim misineri i go long ol kantri long Esia. Ol i no longwe; yumi inap long kam kamap long ol insait long 5 aua. (Lukim pes 6)



ASKIM LONG NAMBawan TIN MIT GLOBE NA GREAT WORLD



Bank South Pacific the Personal Service Bank

WE LOOK AFTER YOUR NEEDS FOR :

- * Cheque Accounts
- * Pass Book Accounts - earning interest
- * Interest Bearing Deposits, highest rates
- * Overdrafts and Personal Loans
- * Travellers' Cheques
- * Full International Services

CONTACT OUR MANAGERS AT :

Main office: Port Moresby
Branches: Boroko Mt. Hagen
Kieta Kundiawa
Lae Rabaul

DISPELA BENG BILONG SAUT PASIFIK I
NAMBawan BILONG LUKAUTIM MANI BILONG YU.
Yu traim.....

Bank of South Pacific


Incorporated in Papua New Guinea

Ami helpim Hailans

Long namba 20 de bilong mun Epril, bikpela balus bilong Royal Australian Air Force ol i kolim Hercules C130 i bin kamap long Port Moresby. Em bai ran namel long Mendi na Tari long karim ol ain bilong wokim bris.

Taim Hercules i bin kam long Port Moresby, em i bin karim olkain marasin na ol samting bilong skul i kostim K30,000 olgeta. Laiens Intanesenel bilong Saut Australia i bin salim ol dispela samting i go long Maun Hagen olsem presen bilong ol.

Memba bilong Tari na Komo Open, Mista Matiabe Yuwi, i bin askim Minista bilong Foren Afeas na Ovasis Tret, Sir Maori Kiki, sapos Gavman inap long helpim ol long salim ol ain i go long Tari, long wanem, ol i laik wokim wanpela rot.



Pipel yet wokim nupela lo bilong brukim marit



Minista bilong Jastis, Mista Ebia Olewale, i bin tokaut olsem, long mun i go pinis, siaman bilong Lo Rifom Komisen, Mista Bernard Narakobi, wantaim ol memba bilong dispela komisen ol i bin go raun long olgeta hap bilong PNG long painimautim tingting bilong ol pipel long wokim nupela lo bilong brukim marit.

Ol memba bilong komisen i bin holim kibung long Madang, Wewak, Lae, Popondetta, Rabaul, Maun Hagen, Mendi, Wabag, Kainantu, Goroka, Kundiawa, Manus, Daru, Port Moresby, na Bougainville.

Olgeta ripot i kam long olgeta hap bilong kantri i wankain long dispela bikpela tingting: Brukim marit em i bikpela rong tru long olgeta hap bilong PNG.

Nupela lo i bihainim tingting bilong ol pipel yet i go olsem:


(1) I mas i gat wanpela lo tasol i karamapim olgeta pipel i stap long PNG.

(2) Viles kot yet inap long harim kot bilong brukim marit. Na sapos i no gat, bai lokal kot yet i ken harim dispela kot.

(3) Man i ken kotim meri i bin mekim rong na pren bilong em, tupela wantaim. Na meri i ken kotim man i bin mekim rong wantaim pren meri, tupela wantaim.

(4) Sapos ol i no inap skelim tok, mejistret i ken tokim ol long baim kot inap long K200. Em i mas skelim wok na rong bilong man o meri i mas baim kot.

(5) Na sapos ol i no laik long baim, bai kot i orait long ol long mekim wok long helpim komyuniti inap long wan mun, o bai kot i salim ol i go long kalabus inap long 6-pela mun olgeta.



Planti lokal pipel i gat sampela arapela kain tingting tu:

Sampela pipel i bin tokaut strong olsem: Brukim marit em i samting bilong man na meri tasol. Ol i tok plisman i no ken kisim trabelman o trabelmeri i go long kot. Em i samting bilong maritman na maritmeri tasol. Ol wanfamili i ken bringim trabelman o trabelmeri i go long kot, sapos maritman o maritmeri i tok orait long en.

Ol Hailans i bin tokaut olsem, man i ken kisim namba tu meri tasol sapos namba wan meri i orait long en.

Ol Kainantu i ting olsem, em i no stret long trabelman i baim man bilong meri. Bikos man tru bilong meri i sem long kisim trabelmani.

Ol Wabag i ting olsem, ol i mas baim man bilong trabelmeri. Tasol ol i no mas baim meri bilong trabelman.

Ol Lae i ting olsem, pe bilong baim trabel i ken i go inap long K500. Na wanpela man long Kieta em i ting dispela mani i ken i go inap long K1,000 yet.

OL SIOS WOK WANTAIM

(i kam long pes 5)

I gat kain kain tingting long wanpela bikpela samting em hia: bringim tok bilong God o tok bilong Baibel, em i min yumi mas wok tasol long helpim sol o spirit bilong ol pipel? O em i min tu yumi mas helpim bodi bilong ol tu? Olgeta deliget i no wantingting long dispela samting. Tasol ol i wantingting long dispela: ol misin i mas pinisim pasin bilong kros na trik na grisim ol memba bilong narapela sios.

LEKTRIK PAWA LONG FAMA



Long Taiwan klostu long Saina, lektrik pawa i save ranim ol liklik masin bilong helpim ol fama long rausim skin bilong rais na brukim kon na krungutim ol pinat bai wel i kamap, na mekim drai lip ti, na mekim sampela rum i kol bilong putim mit na pis na sayor bai ol i no ken sting.

Pastaim ol pipel bilong Taiwan ol i yusim lektrik pawa tasol bilong laitim ol lait long haus. Bihain ol i baim ol redio na stov na frisa na ain.

Sapos i gat pawa long ples, ol pipel inap long statim bisnis bilong somil na wokim brik. Wok kamda i isi moa bikos ol i ken gat olkain smolpela masin lektrik. I ken gat bisnis bilong wokim olkain mat nabek na klos. Na tu i gat lait bilong mekim skul long nait long ol bikpela manmeri.



Las taim yumi bin toktok long ol gutsamting i ken kamap long ol ples sapos ol fama na bisnisan na tisa i bung na statim wampela kampani bilong ol yet long wokim pawa i kamap.

Nau yumi skruim dispela stori i go moa yet na lukim sampela arapela kantri i go het olsem wanem bikos ol i statim dispela pasin bilong putim lektrik pawa long ol ples.

Long Filipin Ailan ol yet i bin sanapim sampela lektrik pamwara bilong bringim wara i go long olgeta haus long ples. Wan wan haus i gat tep long en na ol meri i no mas wokabaut longwe na karim wara i kam.

Sapos i gat lait long ol liklik ples, bai ol i ken gat spot long nait na danis na miting.

Yes, pawa i kostim mani na ol pipel i mas helpim long statim smolpela kampani bilong wokim, tasol em i ken bringim planti gutpela samting moa i kam insait long laip bilong ol.

Wampela gutpela eksampel bilong yusim dispela kain pawa long PNG em i long dispela faktori klostu long Lae long wokim pinat bata na wel long ol kasang o pinat. Sapos i no gat lektrik pawa long ol, bai em i hatwok moa long statim na ranim dispela kain bisnis.



11 Skulmeri win

I gat 11-pela studen bilong 7-pela haiskul i bin winim prais long Pan Pasifik na Saut Is Esia Asosiesen bilong ol meri bilong Australia.

Nainpela studen i bin kisim wan wan K40, na tupela arapela i bin kisim K25 na K13.10.

Barbara Migual - St. Mary's Asitavi, Bougainville

Dolorita Lula - Hutjena Bougainville

Catherine Kapiou - St. Ignatius, Wes Sepik

Betty Miria - Brandi Is Sepik

Anna Wogimori - Yangoru Is Sepik

Tinirua Miskarah - Madina Nu Ailan Provins

Tanes Keremi - Mendi High Saten Hailans

Monica Punmlie - OLSH Is Nu Briten

Janetta Kuvu - Sogeri Sentral Provins

Gewe Isong - Bumayong Morobe Provins

Dephe Melau - Dregerhafen Morobe Provins

Wampela tokman bilong Dipatmen bilong Edukesen i tok mani ya em i bilong helpim ol long baim skul fi.

INVESTMENT CORPORATION OF PAPUA NEW GUINEA



Poto antap i soim hetman bilong mipela long Rabaul, em John Darby, i toktok wantaim meri i bin baim sampela nupela sea.

YU KEN YUSIM MANI BILONG YU BILONG BAIM SEA INSAIT LONG BIKPELA KAMPANI

- Em i save helpim kantri.
- Em i save helpim yu tu.

Long olgeta beng yu ken kisim moa save long pasin bilong baim sea. O yu ken rait i kam stret long mipela hia:

Investment Corporation
P.O. Box 155, Port Moresby

Plis, yupela salim sampela tok save i kam long mi, long pasin bilong putim mani insait long Invesmen Koporesen Fan.

NEM:

ADRES:

.....

Effective from 17 MAY 1976

TALAIR

TIME TABLE

TALAIR

Approved by C.A.D.

EX ALOTAU GURNEY AIRPORT TEL: Alotau 629	MONDAY			TUESDAY			WEDNESDAY			THURSDAY			FRIDAY			SATURDAY			SUNDAY				
	Dep	Sector	Arr Flt	Dep	Sector	Arr Flt	Dep	Sector	Arr Flt	Dep	Sector	Arr Flt	Dep	Sector	Arr Flt	Dep	Sector	Arr Flt	Dep	Sector	Arr Flt	Dep	Sector
AGUM AUP ALOTAU AUP AMAZON BAY AZB BAIBARA BAP CAPE VOGEL BVL ESA'ALA CVA GARUNHI CSH GURNEY GUR LOMI LNP LOSUIA LSA MANAI MAP NISINA MIS POPONDETTA PNG RABARABA RBP ROBINSON R. RNP SABANA SAZ TUPI TFI VIVIGANI VIV WANIGELA WAG WEDAU WED	1000 GUR SAM 1025 827 1040 SAM ESA 1050 1100 ESA GUR 1130 (SAM OPT. RTN LEG)	1000 GUR VIV 1030 850 1045 VIV LSA 1115 1145 LSA VIV 1215 1230 VIV GUR 1300	0800 GUR WED 0815 819 0830 WED AUP 0855 0905 AUP AZB 0930 0945 AZB GUR 1005 (MAP OPT. CALL)	1000 GUR ESA 1025 827 1040 ESA GUR 1105	1130 GUR LNP 1140 835 1150 LNP SAZ 1205 1215 SAZ GUR 1225	1230 GUR CVL 1255 817 1305 CVL GUR 1330	0900 GUR BAP 0930 815 0940 BAP AZB 0950 1005 AZB AUP 1015 1025 AUP RBP 1045 1055 RBP GUR 1115 (WED OPT. CALL)																
EX DARU TEL: Daru 64			0830 DAU UNG 1015 880 1500 UNG DAU 1645 (LNY/NOM OPT. CALLS)					0830 DAU UNG 1015 880 1500 UNG DAU 1645 (LNY/NOM OPT. CALL)															
EX GOROKA TEL: 721393 Ext. 63	0800 GKA MWG 0840 414 0900 MMG GKA 0940	0900 GKA CHU 0920 422 0930 CHU HGU 0950	0900 GKA CHU 0920 424 0930 CHU HGU 0950	0830 GKA BNT 0850 322 0900 BNT-MAG 0925	0900 GKA CHU 0920 422 0930 CHU HGU 0950	0900 GKA CHU 0920 422 0930 CHU HGU 0950	0830 GKA CHU 0850 404 0910 CHU MAG 0940 AGG OPT. CALL																
ANGORAH AGG BUNDI BNT GOROKA GKA KAINANTU KTU KUNDIAWA (CHIMBU) CHU LAE LAE MADANG MAG MARAMBA MZG MOUNT HAGEN MZM WEDAU WED	0900 GKA KTU 0920 690 0930 KTU LAE 1000	1000 GKA CHU 1020 434 1030 CHU MAG 1100	0930 GKA CHU 0950 314 1000 CHU MAG 1030	0900 GKA CHU 0920 422 0930 CHU HGU 0950	0900 GKA KTU 0920 690 0930 KTU LAE 1000	0900 GKA BNT 0920 408 0930 BNT GKA 0950	0915 GKA KTU 0925 808 0945 KTU LAE 1015																
EX KUNDIAWA TEL: 751034	0830 CHU GKA 0850 422 0840 CHU GKA 0900 314 0930 CHU HGU 0950 422	0830 CHU GKA 0850 422 0930 CHU HGU 0950 422	0830 CHU GKA 0850 424 0930 CHU HGU 0950 424	0830 CHU GKA 0850 422 0930 CHU HGU 0950 422	0830 CHU GKA 0850 422 0930 CHU HGU 0950 422	0830 CHU GKA 0850 422 0930 CHU HGU 0950 422	0910 CHU MAG 0940 313 AGG OPT. CALL 1310 CHU GKA 1330 313																
ANGORAH AGG BUNDI BNT KARAHU KHR KEGLSUEL KEG KUNDIAWA CHU MADANG MAG MOUNT HAGEN MZM ONKALAI OML	1000 CHU GKA 0920 422 0930 CHU HGU 0950	1600 GKA CHU 1620 430 1630 CHU HGU 1650	1600 GKA CHU 1620 430 1630 CHU HGU 1650	1100 GKA CHU 1120 426 1600 GKA CHU 1620 430 1630 CHU HGU 1650	1500 GKA CHU 1520 322 1530 CHU MAG 1600	0915 GKA KTU 0925 808 0945 KTU LAE 1015	1200 GKA CHU 1220 426																
EX LAE TEL: 422488	1000 LAE WAU 1025 829 1045 WAU POM 1145	1000 LAE BUL 1025 830 1045 BUL POM 1145	1000 LAE WAU 1025 829 1045 WAU POM 1145	1000 LAE BUL 1025 830 1045 BUL POM 1145	1000 LAE WAU 1025 829 1045 WAU POM 1145	0730 LAE KTU 0800 808 0810 KTU GKA 0830																	
BULOLO BUL GARAINA GAR GOROKA GKA KAINANTU KTU LAE LAE POPONDETTA PNG PORT MORESBY POM WAU WAU	1015 LAE KTU 1045 690 1100 KTU GKA 1120	1115 LAE GAR 1155 820 1210 GAR PNG 1250	1030 LAE GAR 1120 820 1130 GAR PNG 1210	1430 LAE KTU 1500 809 1515 KTU GKA 1535	1300 LAE WAU 1325 833 (BUL OPT. CALL)	1430 LAE KTU 1500 809 1515 KTU GKA 1535																	
EX MADANG TEL: 822658	0700 MAG KRK 0725 304 0740 KRK MAG 0805	0800 MAG KRK 0825 304 0840 KRK MAG 0905	0700 MAG KRK 0725 304 0740 KRK MAG 0905	0800 MAG KRK 0825 304 0840 KRK MAG 0905	0800 MAG USO 0820 312 0830 USO MAG 0850 (BNT OPT. CALL)	0700 MAG KRK 0725 304 0740 KRK MAG 0805	1230 MAG CHU 1300 313 1310 CHU GKA 1330																
AIGOH AIE ANGORAH AGG AMAR (BOGIA) AMR BRAHMAN BRH BUNDI BNT GOROKA GKA JOSEPHSTAAL JOP KARAR IS. KRK KUNDIAWA CHU MADANG MAG MOUNT HAGEN MZM SABANA SAZ SIBIRI SBI TEPTEP TEP USINO USO WEWAK WAK	0800 MAG CHU 0830 314 0840 CHU GKA 0900	0800 MAG SDI 0835 316 0845 SDI MAG 0920 (TEP OPT. CALL)	0800 MAG CHU 0830 314 0840 CHU GKA 0900	0530 MAG MZM 1010 324 1020 MZM HGU 1030	0800 MAG SDI 0835 306 0850 SDI TEP 0910 0925 TEP SDI 0935 0950 SDI MAG 1025	0800 MAG CHU 0830 314 0840 CHU GKA 0900																	
EX WABAG TEL: 521944	0850 WAB HGU 0910 668 (WBM OPT. CALL)		0830 WAB HGU 0900 668 (WBM OPT. CALL)		0900 WAB RGE 0925 680 0935 RGE LGM 0950 1010 LGM KDP 1025 1035 KDP WAB 1100	1530 WAB HGU 1600 669																	
EX WAU TEL: 446295	0800 WAU GAR 0825 844 0840 GAR WAU 0905	0800 WAU HYY 0830 832 0845 HYY WAU 0915	0800 WAU GAR 0825 844 0840 GAR WAU 0905	0800 WAU HYY 0830 832 0845 HYY WAU 0915	0940 WAU ASZ 1005 831 1020 ASZ WAU 1045	1045 WAU POM 1145 829																	
ASEKI ASZ BULOLO BUL GARAINA GAR LAE LAE HENYAWA HYY PORT MORESBY POM WAU WAU	1100 MAG AMR 1140 676 1200 AMR WAK 1235 (AGG OPT. CALL)	1130 MAG CHU 1200 434 1210 CHU GKA 1230	0800 MAG AIE 0840 308 0850 AIE MAG 0930 (SAI OPT. CALL)	1000 MAG BNT 1025 322 1030 BNT GKA 1050 (BRH OPT. CALL)	0930 MAG AGG 1020 320 1030 AGG AMR 1100 1110 AMR MAG 1150	1600 MAG KRK 1625 318 1635 KRK MAG 1700																	
EX WEWAK TEL: 865083	0800 WAK WBM 0900 674 0910 WBM HGU 0930		0700 WAK WBM 0800 674 0810 WBM HGU 0830		1250 WAK AMR 1330 676 1340 AMR MAG 1428 (AGG OPT. CALL)																		
ANGORAH AGG AMAR (BOGIA) AMR MADANG MAG MOUNT HAGEN HGU WAPENAMANDA WBM WEWAK WAK	0930 MDU HGU 0950 656	0930 MDU HGU 0950 656	0930 MDU HGU 0950 656	0930 MDU HGU 0950 656	0930 MDU HGU 0950 656	0730 MDU TIZ 0800 684 0810 TIZ MDU 0840 (KDE OPT. CALL)																	
1000 MDU TIZ 1030 655 1040 TIZ KDE 1050 1100 KDE KOM 1110 1120 KOM MDU 1140	1000 MDU AGK 1010 660 1020 AGK ERE 1030 1040 ERE AGK 1050 1100 AGK MDU 1110	1000 MDU PHP 1020 666 1030 PHP MDU 1050	1000 MDU PHP 1020 666 1030 PHP MDU 1050	1000 MDU AGK 1010 660 1020 AGK ERE 1030 1040 ERE AGK 1050 1100 AGK MDU 1110	1000 MDU TIZ 1030 655 1040 TIZ KDE 1050 1100 KDE KOM 1110 1120 KOM MDU 1140	0930 MDU HGU 0950 656																	
1000 MDU HPG 1015 664 1025 HPG HGM 1035 1045 HGM MDU 1100				1000 MDU HPG 1015 664 1025 HPG HGM 1035 1045 HGM MDU 1100																			

There's fast freight moving 7 days a week on all TALAIR flights...





KRISTEN KOMYUNIKESEN

Komyunikesen em i min olgeta pasin bilong givim save o kisim save long ol arapela manmeri. Em i min redio na buk na niuspepa na poto na kaset na rekot na muvi na toktok na singsing na skul na lotu. Em i min olgeta samting i gat wok long givim save long yumi.

Nogut yumi lusim dispela as tingting: olgeta samting yumi save, yumi bin kisim long arapela man - long tok o rait bilong em. I no gat wanpela aidia o tingting i bin kamap nating long kru bilong yumi. Nogat tru.

Olgeta sios bilong Papua Niugini i bin makim 13 Jun i olsem Kristen Komyunikesen Sande. I olsem, long dispela Sande yumi mas tingting long olgeta we tok bilong God na Gutnius bilong em i bin kamap long yumi.



Jisas Krais em i bin kam daun long dispela graun bilong mekim dispela wok komyunikesen tasol. Em i kam bilong autim tok bilong Papa bilong em, em God yet. Na las tok tru bilong em, bipo em i bin go bek long Papa, em hia: "Yupela i go long olgeta hap bilong graun na i bringim Gutnius i go long olgeta pipel". Bilong dispela tasol i gat sampela tausen misineri insait long PNG. Ol i bin harim na bihainim dispela tok. Na bikos ol i bihainim, moa olsem wan milien yumi i Kristen tude. Yumi mas tenkyu long God long dispela na askim em i blesim dispela wok bai em i ken go het moa moa yet.


Yumi mas kisim planti save moa yet: long ol samting bilong graun na bilong God tu. Inap nau yumi hapim tasol.



* Tupela poto antap i soim buk na niuspepa. Em i ken sampela man i bin lainim prinim 20,000 pes long wanlong rit na nau ol i laikim pela de. olkain buk.

* WANTOK niuspepa i save

* Poto daunbilo em i wanpela kamap long ai bilong sammasin bilong prinim olkain ting olsem 50,000 pipel.



WANTOK 

BIKPELA
YIA
BLONG
YUMI **1973**

WANTOK 

12 January, 1973

NUPELA MINISTA GEN

WANTOK 

12 January, 1973

WANTOK GO NAU LONG 2045 SKUL

WANTOK 

12 January, 1973

NAMBA WAN FAMILI BILONG YUMI



SANDE, 13 JUN

Ol rida bilong WANTOK i ken helpim dispela wok bilong Kristen Komyunikesen olsem wanem?


- (1) Yumi mas ritim olkain Kristen buk.
- (2) Yumi mas harim ol Kristen redio program i save kam long ol redio stesin.
- (3) Yumi mas helpim ol sios long bungim pe bilong ol wokman i save mekim ol dispela kain wok bilong Kristen Komyunikesen.
- (4) Yumi mas pre long helpim dispela kain wok bilong helpim tok bilong God, bai em i ken go het gut na helpim planti manmeri.
- (5) Yumi mas painim moa manmeri long ritim WANTOK niuspepa. Ating yu save: kirap long de namba 1 bilong Julai, WANTOK niuspepa em bai stap long han bilong ol dispela sios hia: Engliken, Katolik, Yunaitet, Luteran (Elcong na Wabag). Olsem em i Kristen niuspepa bilong yumi ogeta nau. Yu stat nau long bringim planti wantok long ritim WANTOK.



* Long PM i gat moa olsem 300,000 redio, na ol pipel i kisim planti save long ol. Long 18 redio stesin bilong gavman ol i save givim taim fri long tok bilong God.

* Long kona daunbilo yumi lukim hetman bilong Kristen Redio, em Zawieocte Iwekeo (lephan) i toktok wantaim Bartholomew Kamulaia, man bilong bosim ol kristen redio program.

* Daunbilo em James Dindungal bilong Kaset Sevis long CLTC Koles long Banz. Em i bosim hia ol masin bilong katim daun ol program long ol kaset.



NATNAT I KAMAP WE

Long bipo tru wanpela lapun meri tasol emi slip insait long wanpela haus klostu long bikpela ples. Em i save pasim dua bilong em long olgeta taim.

Wanpela de ol liklik boi i harim nois insait long dispela haus bilong lapun meri. Wanpela boi em i askim. Em i wanem? Wanpela boi em i tok mi no save. Ol i tok, mipela i askim lapun meri. Tasol lapun meri em i no stap insait long haus. Na ol boi i go painim lapun meri long olgeta hap.

Bihain ol i lukim em i wok insait long gaden. Em i askim ol boi yupela i laikim wanem, ol i tok yumi harim nois insait long haus bilong yu. I gat sampela pisin i stap insait long haus bilong yu o nogat?

Lapun meri i tok, nogat pisin i stap insait long haus bilong mi.


Ol i askim i gat man i stap insait long haus bilong yu? Lapun meri i tok nogat man i stap insait long haus bilong mi. Em i kros i tok yupela i go.

Nau ol boi i go bek long ples bilong ol. Ol i tok wanpela de bai yumi painim wanem samting i stap insait long haus bilong lapun meri.

Tripela wik i go pinis, sampela man i stilim banana bilong lapun meri insait long gaden bilong em. Em i kros na em i go bek long ples na askim ol man long banana bilong em. Em i tok husat i stilim banana bilong mi. Ol man i no save. "Plis helpim mi long painim banana bilong mi". Em i tok.

Tasol ol man i lap. Ol i tok mipela i no save long banana bilong yu. Lapun meri i kros nogut tru. Em i tok bai mi kalabusim yupela. Em i tok bai mi opim dua bilong haus bilong mi.

Ol boi i tok em i, i no inap long kalabusim yumi. Ol boi i go insait long haus bilong lapun meri na lukluk. Bai yumi painim wanem samting i stap insait long



stori bilong tumbuna

haus bilong lapun meri? Ol i go bihainim lapun meri. Em i go hariap long haus bilong em, na opim dua. Ol natnat i kam ausait.

Ol boi i no lukim natnat bipo. "Em i wanem" ol i askim. Bihain ol i painim natnat i kandere nogut tru. Ol i ron bihainim ol boi na kaikaim ol. Ol boi i ron hariap long ples. Tasol natnat tu i ron bihainim ol. Bikpela ol i lukim natnat tu i ron bihainim ol boi. Natnat i stat long kaikai bikpela man na meri tu.

Ol man na meri ol i wari nogut tru long banana, na ol i tok "yumi i no laik helpim lapun meri na painim banana bilong em. Nau em i lusim natnat tu i go ausait long haus bilong em". Em i gutpela lapun meri tru.

Em i putim natnat longwe long mipela. Tasol yumi i no helpim em. Nau planti yia na mun taim bilong ren natnat i save kaikai manmeri na pikinini long olgeta ples.

Peter Sospi
C.M. But,
Wewak.

Gavman i mas baim rot nau

Memba bilong Koroba na Kopiago Open long Saten Hailans Mista Andrew Wabiria, i bin tok, i gat planti man i no gat wok na i raun nating long Port Moresby, na tu long ol arapela bikpela taun long Papua Niugini. Em i bin tok tu olsem, planti bilong ol i save mekim planti trabel tumas long ol taun.

Gavman i mas baim rot bilong dispela kain man i go bek long ples bilong ol stret, long wanem, planti bilong ol i no gat mani bilong baim balus.

Oltaim gavman i save salim ol man i go long ol longwe kantri na lusim planti tausen kina long baim rot bilong ol long i go i kam. Tasol olsem wanem long ol trabelman?

BAIM WANTOK

Sapos yu wanpela yu laik kisim WANTOK i kam long yu stret, orait yu salim dispela tiket i kam:

Mi laik kisim WANTOK niuspepa inap wan yia olgeta. Nau mi salim K5 (\$5.00) i kam;

Nem:

Adres:

.....

Salim i kam long:

WANTOK - P.O. BOX 396 - WEWAK

Ol Kristen Brata ranim 6 bikskul



Poto i soim ol Kristen Brata i wok long Papua Niugini. Wan hap bilong ol i lokal. Nau tasol ol i bin makim Brata Louisson (em i stap namel long paslain na putim aiglas) olsem hetman bilong ol. Brata Louisson em i namba tu hetmasta bilong Goroka Tisa Trening Koles.

Ol Kristen Brata i wok long ol bikskul long Vunakanau, Vuvu, Tari, Kaindi/Wewak, Banz, na Mongop.

Ol pablik sevan laki hia

Mista Barry Holloway, em spika bilong palamen, i bin bekim tok long ol sampela pablik sevan i wari na kros long ol haus bilong ol. Ol i tok, ol haus i liklik tumas na i no gat planti samting insait long en. Na tu, ol i tok ol i kos tumas. Ol i save baim long K13.60 long fot-nait. I no gat wanpela arapela kantri we gavman i mas givim haus long ol pablik sevan olsem hia. Long ol arapela kantri, wari bilong haus, em i wari bilong wan wan.



De bilong Kwin, 14 Jun

Long 14 Jun em i pestode bilong Kwin Elisabeth, bilong makim de mama i bin karim em long en. Mipela i tok amemas long kwin em i olsem bikmama bilong mipela Papua Niugini.

Poto hia i soim em wantaim Prins Philip, man bilong em, taim tupela i bin kamap lukluk raun long PNG long 1974.

Neks yia tupela i laik kam bek gen na lukim nupela independen kantri bilong komonwelt, em yumi tasol..

TOYOTA TRAK

OL DISPELA I NAMBAWAN TRU



TOYOTA

EIA
MOTORS LIMITED

Burns
Philp
GROUP OF COMPANIES

PASIN BILONG
NUPELA
TUMBUNA

AMAMAS LONG
GOROKA SO



MAN, YU WASWAS NA BILAS
GUT. MI TING YU NARAPELA
MAN.



MI LAIK GO
LONG GOROKA
SO.

MI TU YA,
KANDERE.

C.I. Box 448, Goroka



LUK HIA! EM
WANEM KAIN
PLAUA?

EM BILAS
BILONG MERI!




NOGAT, EM KAIKAI! MI WOKIM
OL SKON LONG EM TROLO

GUTPELA TRU. MI
KEN TRAIM WANPELA?



EM NAU WANPELA
P.M.V. I KAM.

I LUK OLSEM
EM PULAPTUMS



MI PRET, NOGUT
KA I KAPSAIT.

MI TING LONG
POLIS TU!



EM I SWIT
TRU YA.

MI YET I
WOKIM.



TRU, YU WOKIM LONG
DISPELA PLAUA?

YES, MI PLANIM BAK-WIT. EM
NEM BILONG DISPELA PLAUA.



LUKIM SID BILONG EM. TAIM
OL I DRAI MI WOKIM PLAUA
LONG OL.



MAN, SO GRAUN
I PULAP TAIT TRU.

YES YA,
OLSEM ANIS
STRET.



ORAIT, YU HOLIM
HAN STRONG TRU.

NO KEN WARI.
BAI MI KAM.



BAI YUMI LUKIM
WANEM SAMTING?

YUMI LUKIM OL
DIDIMAN PASTAIM,
SINGSING BIHAIN.



YUTUPELA LUKIM
RINIS PIK BILONG MI. MI
GMIM PIKININI BILONG
BAK-WIT TU.



FTING BAI MI KISIM NA
PLANIM SAMPELA TU
MI TU!



BIHAINIM MI. YUMI GO
LUKIM SINGSING NAU.

C.I. Box 448, Goroka



KAM, EM STAP
LONG HAP YA.

OLABOI



PIK YA, I OLSEM
BULMAKAU STRET.

MAN, MAN!
MAN



DISPELA YIA SO I NAMBANVAN TRU.

MAN! AI BILONG
MI RAUN PINIS.



TUMORA BAI MI GO
LONG DIDIMAN.

KANDERE YU LUKAUT
KA I SEKSEK!

EM TASOL

≡ KING FEATURES SYNDICATE ≡

The Phantom

®

By Lee Falk and Sy Barry

Mipela i mas slip ausait hia long sia. No gat mani long baim rum long haus..

Yu klia, raskal. Yu wantaim rabis dok.

Tasol mitupela i slip tasol antap long hip gras.

Em bilong mi. Klia. Sapos nogat, bai mi sutim yu.

Olaboi, em i wanem kain laip? Mi laik ranawe i go bek, long bus

FALK & BARRY 9/28

Tasol nogat... Mi laik go long Diana...

NEXT WEEK: JOB

PHANTOM

NAU FANTOM I GO PAINIM WOK

Nogat, mi no save long ol dispela kain wok.

Yu go long ofis daunbilo

COMPUTER ANALYSIS
CHEMIST ENGINEER
DESIGNER ELECTRONICS

Yu orait. Tumora yu kam long 6 klok.

?

FALK & BARRY 9/30

Wokim baret' wantaim pika...

?

FALK & BARRY 9/30

He, Pita, lukim nupela wokman.

He, yu.... Go isi liklik.

?

Dispela wok mipela inap pulim i go wan wik olgeta. Yu no ken hariap; yu wok isi isi.

Sori, mi kam long mekim wok tru.

Yu wet, bai Pita i smokim em.

FALK & BARRY 10/1

He, poro. Wok slo; go isi isi....

Watpo? Yumi olgeta i kisin pe long wokim dispela baret.

FALK & BARRY 10/2

Pasin bilong yu long taitim bun bai pinisim dispela wok kwiktai. Mipela i laik pulim i go inap wan wik.

Yu wok long laik bilong yu; mi mekim long laik bilong mi...

Longlong man.

Yu wet, bai Pita i slekim em.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.